



Peqqinnissaqarfik Region Nord patienthoteleqalernissaa pillugu Naalackersuisut UPA2025-mut agguassassamik nalunaarusioqqullugit peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq, Aqqalu C Jerimiassen, Atassut)

Sullissinerit suut sumiiffinnilu suni neqeroorutigineqarnersut innuttaasunit qaqugukkulluunniit nalorngissutigineqaqqunagit peqqinnissaqarfiup sullissinerinut takussutissiap tamatigut nutarterneqartuarsimanissaa ullutsinnullu naleqqussarneqartuarsimanissaa qularnaarniarlugu Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Siullermeerneqarnera

Immikkoortut marluk, immikkoortoq 128 aammalu immikkoortoq 145 ataatsikkut oqaluuserisassanngorlugit saqqummiunneqartut pillugit Naleqqamiit imatut oqaaseqaateqassaagut.

Siullermik immikkoortoq 128 tassalu napparsimasut akunnittarfiat pillugu nassuiaateqarnissamut siunnersuuteqartoq Aqqalu C. Jerimiassen siunnersuutaannut qujassuteqarfigaarput.

Taamatullu siunnersuuteqartup aappaa immikkoortoq 145 Anna Wangenheim Demokraatineersumit siunnersuut peqqinnissaqarfiup sullissinernut takussutissiap nutarterneqarnissaannut siunnersuummut matumunnga attuumassuteqartumut qujassuteqarfigaarput.

Aqqalu C. Jerimiassen, Atassut siunnersuutaa immikkoortoq 128 tassalu napparsimasut akunnittarfiat pillugu nassuiaateqarnissamut siunnersut Naleqqamiit tupaallaatigilaaratsigu oqaatigissavarput, tassami naluneqanngilaq Atassut aamma nammineq isumaqatiginninniaqataasarmermi nalungilaa siunnersuut una Naleqqamiit



qaqilertuarnikuugipput aammalu peqqinnissaqarfik Region Nord tassalu Avannaani patienthoteleqalernissaa oqaluuserisarlutigu peqqinnissaqarfimmut tunngatillugu immikkortortaqaarfinni ataatsimoorussamik ukiunut tulliuttunut pingasunut pilersaarutitut ilanngunneqarluni pilersaarusiukkanut ilanngunneqassasoq qaqilertarnikuuarput, ilaatigut qaqinneqarluni peqqinnissaqarfik pillugu isumaqatigiissummi Naalakkersuisunut isumaqatiginniarnermi ilanngunneqarnikuulluni, taamaammallu isumaqatigiinninniutaalluni siunnerfinnut ilanngussaasoq, soorunami tupaallaatigaarput siunnersuutitut qaqilerneqarmat tassami maannakkumut isumaqatigiinninniartarnerni ilaatigut aamma ilanngullugu qaqilerneqartut ilagaat Ilulissani, tassalu Region Avannaani, MR/CT scannereqalernissaaq aamma Naleqqamiit qaqilerlugu aningaasaliiffiqineqarnissaa isumaqatigissutigisarnikuugatsigu pilersinneqarnissaa piaartumik angorusullutigu, tassungalu tunngatillugu kingullermi killiffissiornermi peqqinnissamat tunngatillugu isumaqatigiissummut tupaallaatigaarput taanna isumaqatigiissut aatsaat kingusinnerusukkut aningaasalersorneqarsinnaasoq qaqilerneqarmat, tassalu MR/CT scannerit oqimaammatagooq avannaani patienthoteliliornermut ilanngullugu pilersaaruserneqassasoq toqqaviliornissarooq annertummat, soorunami uagut isumaqatigiinniniutigalugu piaartumik pilersikkusussallugu isumaqatigiissuteqarsimasugut taamatut kinguarsarniarneqaaqqinnera akuersaaruminaatsilluinnarparput aammalu akuerinngilarput, Avanna pineqariarmanaasit kinguarsarneqarnera akuerinngilluinnaaqqissaaratsigu taamaammallu qinersisoqareerpat Naalakkersuinikkut nikittoqarpat piaartumik tamakkuupput siuartitassat ilagilluinnagaat, Naleraq oqartussaaqataalluni Naalakkersuisooqataalerpat sukkasuumik aaqqikkasuagassat, maannakkummi Naalakkersuisuutitaqartut iluarsinaveersaarpaat, aningaasalernaveersaarpaat, kinguarsaaqqippaat avannaani aaqqiinissartik peqqinnissaqarfiup pitsanngorsarnissaanut. Naalakkersuisuusut maannakkut piumassuseqanngillat aammalu aaqqeerusunngillat aningaasaliinissamat siunnerfeqaratik pilersaaruseruinnarput, uffalu patienthotel-i ullutsinnut naleqqukkunnaartoq aammalu inuit inuuneranik akeqartaarluni avannaani MR/CT scannareqannginnera ajornartorsiutaasoq, ila avannaani aamma inuup inuunera naleqarpoq tamakku kingusaqqinnagit aaqqitassaapput taamaammallu siunnersuut pillugu



isumaqatigiinninniutaasut uani qaqinneqartoq aningaasalersoneqarusunngitsoq Naleqqamiit akuersaanngilarput aammalu akuerinngilarput taamaammallu isumarput anguniakkamut tassunga pingaartitsinerput oqaatigalugu anngussaqaarpugut, isumaqatigiissummut siunnersuut una ilaareeraluarmat neriuutigiinnaraluarparput isumaqatigiinninniarnermi inissitaammata piaartumik aningaasalersornissaat inississasut kinguarsaqqinnagit, kisiannili malunnarpoq uggornaraluartumik Siumut Inuit Ataqatigiillu Naalakkersuisooqatigiissut tulleriaarinnermini avannaani peqqinnissaqarfimmi pisariaqartitsineq pitsanngorsaannissarlu pingaarnersiunermini pingaarnerusutut isiginngikkaat, uffalu nakorsiarniartarneq taama ilungersunareertigisoq aamma avannaani taamaammatt kinguarsaqqinnagu aaqqitassaq uani qaqilerneqartoq uagut Neleqqamiit suleqataaffiginera ingerlatseqqissavarput.

Immikkoortoq 145

Siunnersuutip aappaa immikkoortoq 145 Anna Wangenheim, Demokraatiniit siunnersuutaanut peqqinnissaqarfimmi sullissinnermut takussutissiap suliassanut pilersaarusionerit sammillugit nutarterneqartarnissaanik pisariaqartitsineq pillugu siunnersuutaanut siunnersuuteqartoq Naleqqamit paasilluarparput.

Peqqinnissaqarfimmi suliassat aammalu aaqqittariaqartut aaqqinnissaat taamatullu pilersaarusiukkamik ingerlatsisoqarnissaa Naleqqamiit pingaartitarisorujussuarput qaqileriinnarata isumaqatigiinninniarnert aqputigalugit anguniagaqartarnitsinni siunnerfiusunut peqataasarluta.

Peqqinnissaq pillugu Ataatsimiititaliarsuaq suliaqarnikuuvoq susassaqtut peqatigalugit suliaat annertuut pingaartinneqartullu qaqilerneqarnikuupput, taakkulu innersuussaata politikkikkut suleriaqqinnissami Naleqqamiit pingaartutut tunaartassatullu isigaagut suliata ingerlasut siunnerfigineqartullu pitsaasumik anguniarneqarnissaannut toqqammaviusussat ilagilluinartussaavaat.

Taamammatt aamma Naleqqamiit pingaartissimavarput peqqinnissaqarfik pillugu isumaqatigiissummut anguniagaqarluta peqataanissarput tamatumalu malitsigisaanik suliata aamma aallarnisalersut sunniuteqarfialugit peqataaffigaagut tamannalu Naleqqamiit



pimoorullugu ingerlatseqqissavarput pisariaqarmat peqqinnissarfimmi suliassat pimoorullugit ataatsimoorfiginiassagigut sulisullu kivissinnaasaat suliassarpassuillu pitsaasumik siunnerfiunissaat ataatsimoorullugit anguniagaqarfigisariaqarigut Naleqqamiit isumaqarfigaarput.

Naleqqamiit alloriarnerit siullit pinissaanut peqataavugut aammalu aqqissuussaannikkut nutaanik eqqarsarluta paartiilersorfiginagu peqqinnissaqarfipput pitsaasumik aqqissuussinissaq Naleqqamiit pingaartutut isigalutigu suleqataanerput maannamut ingerlassimavarput neriuutigeqaarpullu isumaqatigiinninniarnemi isumaqatigiissutaasimasut naammassineqarlutik suliarineqassasut innuttaasunut iluaqutaasussamik.

Naleqqamiit sapinngisarput tamaat naapertorlugu peqataanissarput ilungersuutigeqqissavarput peqqinnissarfimmi suliassat pitsaasumik inissinnissaanut nunap inuinit pingaaruteqartuummat peqqinnissaqarfitta pitsaasumik inissisimanissaa angussagutsigu.

Aqqissuussaannermi allannguutit peqqinnissaqarfiup allanngortinneqarnissaa pillugu politikikkut isumaqatigiissummi immikkoortoq siullertut taaneqartumi peqataanerput nangissavarput suliassat amerlaqisut aningaasalersugassarpassuillu eqqarsaatigalugit tulleriaarinissat eqqarsaatigalugit akisussaassulimmik ingerlatsilluta siunnerfeqarnissarput pisariaqarmat.

Siunnersuut uani saqqummiunneqartoq aqqissuussaannermik suliaqarnermi immikkoortup aappaa ingerlanneqalersumut ilanngussassaqqippoq, tassanimi Peqqinnissaqarfiup iluani aqqissuussaaneq qitiutinneqarniartumut tulluartuussammat, peqqinnissaqarfiup qitiusumik immikkoortui aamma kommuninik suleqateqarneq ilanngullugit. Innuttaasunut aamma Peqqinnissaqarfimmi sullivimmi avatangiisinut pitsanngorsaanissat pingaarnertut anguniarlugit suliassamut siunnersuut ilanngutassaqqippoq, innuttaasut aamma nakorsiarlut isumaat tassani qitiulluinnartut ilanngullugit suliaqartoqarnissaa iluatinnaateqarpoq.



Aqqissusseqqinnissaq timitalersuinissaq peqqinnissarfimmi pingaaruteqarluinnarpoq maannalu allannguilluni maanna sullissinermut takussutissiamut naapertuunnissaat ilanngutissallugu iluatinnaateqarpoq siunnersuut tassalu sullissinermut takussutissiap uani nutarterneqarnissaa peqqinnissarfimmi aaqqissuussaaneermik suliaqarnerup nangeqqinnerani immikkoortup aappaanut siunnersuut ilanngunneqarnissaa Naalakkersuisuniit siunnersuutaasoq Naleqqamiit isumaqatigalutigu siunnersuut immikkoortoq 145 taamatut oqaaseqarfigalugu akuerineqarnissaanik inassutigineqartoq tapersorsorparput.